

նեալ սուրբ շապիկն է ի ներս, և կեցաք անդ ժ՛Ղ յօր, մինչ բացին որ արժանի եղաք մեզ և մեր ծնողացն և երախտաւորացն, և դասասաց վարդապետ կային խիստ մեծ հարկօք պատուեցին զմեզ և մեծարեցին: Եւ անտից ելեալ զնացաք բազում աւուրք բազում քաղաքաւ հասաք ի մեծն Յունվէս¹⁵ ուր թագաւորանխտ է յԱլամանաց և կեցաք անդ մետասան յօր, և անդ է Քրիստոսի ուր ամենազօր սուրբ թագաւորին տեառն մեր Յիսուսի Քրիստոսի սուրբ Փռթման որ ի ժամ խաչելութեանն կապեցին Քրիստոսի աստուածընկալ աւրեամբն ներկեալ էր և արժանացաք սուրբ տեսոյ նորա և մեղաց թողութիւն խնդրեցաք մեզ և մեր ծնողացն և երախտաւորացն: Եւ անտի ելաք բազում յաւուրք յաշխատութեամբ բազում քաղաքաւ հասաք յաշխարհն Ֆլանտիոս¹⁶ և լեզու չգիտէաք զրուցելու, խիստ դժարութեամբ յեւլաք անտից: Եւ բազում աւուրք հասաք յաշխարհն Ընկլզաց¹⁷ և զնոցա լեզուն այլ չիգիտէաք, նոքա այլ ձկնակերք էին զինչ մեծ և հնեղ ձուկն կայ յայն ծովէ որ է համատարած ծովուն յեզրն յարեւմուտս կոյս, և եկեալ հասաք բազում յաւուրք յաշխարհն Ֆրանցաւ¹⁸ զայն ի քաղաքն սան Տօնիթ¹⁹, և այն քաղաքն եւ պիսկոպոսաց և թագաւորաց և թագոհոց գերեզմանատուն է խիստ գեղեցիկ և փառաւորեալ քաղաք է և շատ եկեղեցի կայ, և յաւազ եկեղեցին ուր թագաւորաց գերեզման է յեկեղեցուն ձախ թիհն չորս կող էր դրած ձկան, ամէն կող հինգ գիրկ և երեք թիզ չափեցին և ասացին թէ այս ծովս կայ Ֆիթիսարի ձուկն, և կեցաք յօր մի: Եւ ելեալ յանտի հասաք ի մեծահամբաւ քաղաքն ի Բարիզ դեկտեմբերի ԺԹ, և մտեալ ի քաղաքն կէսյաւուրն և իրիկուն գնացաք ի սպիտալ մի հանաք, և մէկայլ օրն յետի ժամուն հասաք յաւազ եկեղեցին մեծ և գեղեցիկ և զարմանալի որ մարդ լեզուով չի կարէ պատմել, և յաւազ եկեղեցին ունի երեք մեծ զուռն յարեւմտից դիհն և ի միջի դրանն երկու փեղկին մէջն Քրիստոս է կանգնել և ի

վերեւ դրանն՝ Քրիստոսի դատաստանն է նստել յոսկի աթոռով և ամէն յոսկի վարազով զարդարած է, և երկու հրեշտակ յաջ և ի ձախ կանգնել են և յաջ դիհի հրեշտակ բռնել է զայն սիւնն որ Քրիստոս կապեցին և զգեղարդն որ զՔրիստոս ի կողն խոցեցին և ի ձախ դիհն հրեշտակ կանգնեալ է, և զսուրբ խաչն է բռնել և ի յաջ դիհն սուրբ Աստուածածին է չօքել ի վրայ ծնկացն և ի ձախն Ս. Յովանէս և Ս. Ստեփանոս և յառջեւն հրեշտակ հրեշտակապետք և ամենայն սուրբք, և մէկ հրեշտակին ձեռքն կշիռք որ զմեղքն և զվարձքն կու կշեռն զմարդուն, և ի ձախ դիհն քիչ մի վայր սատանայ և դեւքն ամենայն հետ իւր և զմեղաւոր մարդիկն զընծիլէին, և ի դժոխք հանած է զարհուրելի դիմօք որ մարդ ի ահուն կը սասանի և կու սոսկայ, և դէմ Քրիստոսի սուրբ յաւաքեալքն և մարգարէքն և սուրբ հայրապետք և զանայն սուրբ ազգի յազգի գունով զարդարած և ոսկով շինած է զարքայութիւն, որ մարդ ի տեսնուն կը փառաւորի, և այլ ի վեր հանած է քսանեութ թագաւորն թաճն ի գլուխներ և կանգնել են մարդու պէս ի բոլորին, և այլ ի վեր զՏիրամայր սուրբ Աստուածածինն ոսկով զարդարած գունս ի գունոց, որ կանգնել են յաջ և ի ձախ սուրբ հրեշտակապետք ի սպասաւորութիւն, և եկեղեցուն լուսամտերն բոլոր ամէն մէկ քան ի կալ մի: Եւ եկեղեցին որ կու մտնն ի ձախ դիհն հանած է անտաշ վէմ մի մեծ զսուրբ Քրիստայփորն և զՔրիստոս ի յուսն, և ի վայր զնահատակութիւն սուրբ Քրիստայփորն և որ յաւազ խորանին փոլորն զբոլոր Քրիստոսի սուրբ տնօրինականքն, և բազում զարդարանք կայ որ մարդ երբ կարէ լեզուով պատմել քաղաքին աղէկութիւնն և քաղաքն խիստ մեծ և զարմանալի քաղաք է և երկու գետ կու մտանէ ի մէջն, և կէսն ի դուրս չէ ելնել, և զքաղաքին մեծութիւնն ով կարէ պատմել, և կեցայ ի Փարիզ երեքտասան յօր: Եւ անտից մէկ ընկեր այլ մարդ եղաւ մինչեւ ի յԱտըմպօլ քաղաք, և մնացի միայն զա-